

**7. gr.**

Sveitarstjórn er heimilt að víkja frá gjalddögum á B-gjaldi samkv. 5. gr. í eftirfarandi tilfellum.

- a) Við innheimtu gatnagerðargjalds af fasteignum við götur, sem þegar hafa verið lagðar bundnu slitlagi að hluta eða fullu.
- b) Þegar í hlut eiga efnalitlir elli og örorkulífeyrisþegar.

**8. gr.**

Sveitarstjórn er heimilt að ákveða gatnagerðargjald sérstaklega í þeim tilvikum að byggingar séu sérhæfðar og afbrigðilegar um notkun og annað slíkt.

**9. gr.**

Gatnagerðargjaldi fylgir lögveð í fasteign þeirri, sem það er lagt á og gengur það ásamt vöxtum fyrir öllum veðkröfum, sem á eigninni hvíla og tekur einnig til váttryggingarfjár eignarinnar. Heimilt er að taka gjöld þessi lögtaki samkv. lögum nr. 29/1885.

Sveitarstjórn sker úr meiri háttar ágreiningi, sem rísa kann um álagningu og innheimtu samkvæmt reglugerð þessari.

Reglugerð þessi sem samin er og samþykkt af hreppsnefnd Þórshafnarhrepps staðfestist hér með samkvæmt lögum nr. 51/1974 sbr. lög nr. 31/1975 til þess að öðlast gildi þegar í stað og hirtist til eftirbreytni öllum þeim sem hlut eiga að máli.

*Félagsmálaráðuneytið, 9. október 1978.*

F. h. r.

**Hallgrímur Dalberg.**

*Hólmfriður Snæbjörnsdóttir.*

**G J A L D S K R Á**

**fyrir Rafveitu Vestmannaeyja.**

**I. RAFORKA**

Rafveita Vestmannaeyja selur raforku á þann hátt og við því verði sem hér segir:

**A. Lýsing.**

- A 1. Um kWst.-mæli á kr. 43.20 hver kWst.
- A 2. Um kWst.-mæli á kr. 19.82 hver kWst. auk fastagjalds af gólfleti er nemi kr. 220.00 á ferm. á ári í rúmi því er lýsa á.
- A 3—6. Heimilt er að selja fyrirtækjum raforku til lýsingar jafnhliða annarri notkun um einn kWst.-mæli, og greiðist þá fastagjald af gólfleti þess rúms, er lýsa skal. Fastagjaldið nemi 8-földum mismun á kWst.-gjaldi samkv. A 1 og kWst.-gjaldi þess gjaldskrárlíðar, sem greitt er eftir.

**B. Almenn heimilisnotkun.**

- B 1. Um kWst.-mæli þannig reiknað:
  - a. Orkugjald kr. 19.82 hver kWst.
  - b. Grunngjald (mælisteiga innifalin):

Af einfasamælingu kr. 2 136.00 á ári.

Af þrífasmælingu kr. 4 272.00 á ári.

c. Herbergisgjald kr. 2 136.00 á ári.

Til herbergja í íbúð skal telja eldhús og öll herbergi, sem ætluð eru sem íveruherbergi.

Herbergi, sem eru minni en 5 ferm. skal reikna sem hálf, en stærra en 25 ferm., sem tvö.

Þar sem meðalstærð herbergja í íbúð er minna en 10 ferm., má miða við samanlagt flatarmál þeirra, þannig að hverjir 10 ferm. jafngilda einu herbergi og 5 ferm., hálfu herbergi.

### C. Vélanotkun.

C 1. Um kWst.-mæli á kr. 32.00 hver kWst.

Hafi vélnarnar mjög stuttan notkunartíma, má krefjast lágmarksgjalds, er nemi andvirði 200 kWst. á ári á hvert kW í málaun véla.

C 2. Um kW/kWst.-mæli þannig reiknað, enda sé málaun véla yfir 40 kW:

a. Aflgjald af mældu afli kr. 23 560.00 á hvert kW á ári. Aflgjaldið miðast við mesta 15 mínútna meðalálág ársins.

b. Orkugjald:

0—2500 kWst./kW kr. 7.46 hver kWst.

2500—4000 kWst./kW kr. 4.32 hver kWst.

Yfir 4000 kWst./kW kr. 2.16 hver kWst.

C 3. Um kWst.-mæli þannig reiknað, enda sé málaun véla yfir 40 kW:

a. Aflgjald af uppsettu afli véla kr. 21 204 á hvert kW í málaun véla.

b. Orkugjald:

0—2500 kWst./kW kr. 7.46 hver kWst.

2500—4000 kWst./kW kr. 4.32 hver kWst.

Yfir 4000 kWst./kW kr. 2.16 hver kWst.

Ofangreindir taxtar C 2 og C 3 fylgja kaupverði Rafveitu Vestmannaeyja á raforku, þannig að hlutfallsleg álagning rafveitunnar sé ávallt sú sama (þ. e. 40% á taxta C 2).

Orkugjald miðast við, að meðalfasvixsstuðull hvers mánaðar, hjá kaupanda sé ekki lægri en 0.85. Falli meðalfasvixsstuðullinn niður fyrir þetta gildi skal kWst.-gjald umrædds mánaðar hækka um 2% fyrir hvert hundraðshluta-stig eða meiri hluta úr stigi, sem meðalfasvixsstuðull mánaðarins er lægri en 0.85.

Tenging rafsuðuspenna er háð leyfi rafveitustjóra og getur hann takmarkað notkun þeirra við tiltekna tíma sólarhringsins. Auk þess getur hann krafist að fasvixsstuðull spennanna, sé eigi lægri en 0.85.

### D. Hitun.

D 1. Um kWst.-mæli á kr. 6.30 hver kWst. til húshitunar (án söluskatts og verðjöfnunargjalds).

D 3. Um kWst.-mæli á kr. 8.38 hver kWst. til hitunar (með söluskatti og verðjöfnunargjaldi).

Skilyrði fyrir sölu raforku til hitunar eru að:

Vélaafli, spennar og götulínur þoli álagið, að dómi rafveitustjóra.

Búnaði öllum sé hagað skv. fyrirælum rafveitustjóra, en kostaður af notanda.

Að lagðar séu fram niðurstöður útreikninga um mesta samtímaafli og ársorkuþörf húsrýmis þess, sem hita skal.

**F. Önnur raforkunotkun.**

- F 1. Raforku til suðu má selja til gisti- og veitingahúsa, sjúkrahúsa og annarra slíkra staða á kr. 19.82 hver kWst., enda sé notkunin mæld með sérmæli og tæki fasttengd.
- F 2. Til nota um vinnulagnir við byggingar meðan á byggingu stendur um kWst.-mæli á kr. 36.80 hver kWst.
- F 4. Til götu og hafnarlýsingar á kr. 134 000 á hvert kW/ár uppsett afl. Rafveitan leggur til búnað til lýsingarinnar og sér um viðhald hans.
- F 5. Til götu og útilýsingar á kr. 53 650.00 á hvert kW/ár uppsett afl, enda eigi notandi allan búnaðinn til lýsingarinnar og sjái um viðhald hans.

Alla aðra rafmagnsnotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A 1. Þegar sérstaklega stendur á, má rafveitustjóri þó með samþykki rafmagnsnefndar selja raforku eftir sérstökum samningi við kaupanda.

**II. MÆLALEIGA**

Rafveitustjóri ákveður gerð og stærð mælitækja fyrir hverja veitu, og er sú ákvörðun skuldbindandi fyrir notandann. Leiga af mælum greiðist sem hér segir:

1. Af einfasa kWst.-mælum 60 A og minni .....	kr. 660.00 á ári
2. Af þrífasa kWst.-mælum 60 A og minni .....	— 2 650.00 - —
3. Af þrífasa kWst.-mælum (straumspennamælum) .....	— 4 460.00 - —
4. Af mestaafismælum 60 A og minni .....	— 4 310.00 - —
5. Af mestaafismælum yfir 100 A (straumspennamælum) .....	— 6 790.00 - —

Af öðrum mælitækjum en þeim, sem nefnd eru hér, skal ársleiga vera sem næst 20% af verði mælitækjanna.

Leigan innheimtist samtímis raforkugjaldinu.

**III. HEIMTAUGARGJÖLD**

Heimtaugargjald skal greitt fyrir hverja heimtaug, er tengir húsveitu við veitukerfi Rafveitu Vestmannaeyja. Heimtaugargjaldið skal greitt við umsókn.

Heimtaugar greinast í aðalheimtaugar fyrir fullgerðar húsveitur og bráðabirgðaheimtaugar fyrir byggingarstaði.

**Aðalheimtaugar.**

Heimtaugargjöld fyrir aðalheimtaugar skulu greidd samkvæmt eftirfarandi töflu:

Málstraumur/ Málraun	Stofngjald kr.	Lengdargjald <sup>1)</sup> kr./m
63 A einfasa .....	134 000	3 500
63 A þrífasa .....	144 700	3 500
100 A þrífasa .....	172 000	4 600
200 A þrífasa .....	277 200	6 000
315 A þrífasa .....	577 700	skv. kostnaði
300 kVA þrífasa .....	807 400	skv. kostnaði
500 kVA þrífasa .....	1 347 600	skv. kostnaði
800 kVA þrífasa .....	2 155 000	skv. kostnaði

**Bráðabirgðaheimtaugar.**

Heimtaugargjöld fyrir bráðabirgðaheimtaugar skulu greidd samkvæmt eftirfarandi töflu:

Málstraumur	Stofngjald	Lengdargjald <sup>1)</sup> 2)	
		Jarðstrengur kr./m	Loftlína kr./staur
63 A einfasa .....	23 800	3 500	44 800
63 A þrífasa .....	33 400	3 500	52 100
100 A þrífasa .....	35 400	4 600	59 600

A merkir málstraum stofnvara í amper.

kVA merkir málstraum spennis í kílóvoltamper, þegar um sér spennistöð er að ræða.

Séu aðstæður óvenjulegar að því er snertir fjarlægð húsveitu frá veitukerfi eða fyrirhugaða raforkunotkun húsveitunnar, skal heimtaugargjald ákveðast samkvæmt sérstökum samningi hverju sinni. Sé nauðsynlegt að setja upp spennistöð vegna tiltekinnar húsveitu og hún að mestu leyti notuð í þágu þeirrar húsveitu, skal eiganda veitunnar skylt að leggja til húsnaði eða lóð undir stöðina rafveitunni að kostnaðarlausu, og skal hann í öllu hlíta skilmálum rafveitunnar um stærð lóðarinnar og staðsetningu stöðvarinnar. Þegar húsnaði er lagt til skal það fullnægja settum skilyrðum um gerð spennistöðvarhúsa. Eðlilegur kostnaður notanda við gerð húsnaðis fyrir spennistöðina greiðist af rafveitunni (í leiguformi t. d. fyrir lengri tíma) og kemur þannig til frádráttar heimtaugargjaldi.

Þegar aðalheimtaug er að ósk notanda breytt úr loftlínuheimtaug í jarðstrengsheimtaug, svo og þegar heimtaug er stækkuð, skal greiða fullt heimtaugargjald fyrir hina nýju heimtaug, að frádregnu hálfu gjaldi hinnar fyrri heimtaugar, hvort tveggja miðað við gildandi gjaldskrá, þegar breytingin fer fram.

#### IV. OPNUNARGJÖLD

1. Hafi gjald samkvæmt gjaldskrá ekki verið greitt, þannig að heita þurfi reglugerðarákvæðum um lokun, skal greiða fyrir enduropnun kr. 2 900.00.
2. Ef fundin er óleyfileg eða of stór vör, skal veitunni tafarlaust lokað og verður hún eigi opnuð fyrr en notandi hefur greitt gjald, kr. 2 900.00 á skrifstofu rafveitunnar.

#### V. BREYTINGAR Á GJALDSKRÁ

1. Bæjarstjórn er heimilt að hækka eða lækka gjöld þau, sem ákveðin eru í I., II. og III. kafla þessarar gjaldskrár, um allt að 20%, án sérstakrar staðfestingar ráðuneytis, enda sé breytingin auglýst í Lögbirtingablaðinu áður en til hennar kemur.
2. Gjaldskrá þessi er miðuð við raforkukaup samkvæmt samningi við Rafmagnsveitur ríkisins. Stöðvist flutningur raforku frá landi í samfleytt einn mánuð eða lengri tíma, hækkar rafmagnsverðið frá gildandi gjaldskrá um allt að 50% fyrir jafnlangan tíma.

#### VI. ÝMIS ÁKVÆÐI

20% söluskattur, ásamt 13% verðjöfnunargjaldi til Rafmagnsveitna Ríkisins, er innifalið í gjaldskrá þessari, nema annað sé tekið fram.

- 
- 1) Lengd heimtaugar reiknast 2 m inn fyrir húsvegg á þeim stað, sem rafveitan hefur samþykkt. Eigandi húseignar láti ganga frá röri til ídráttar á heimtaug, sé tengistaður heimtaugarinnar ekki á útvegg.
  - 2) Lengdargjald skal greitt fyrir hvern metra umfram 5 metra innan lóðarmarka í jarðstrengsheimtaug og fyrir hvern stólpa innan lóðarmarka í loftlínuheimtaug.

Gjaldskrá þessi staðfestist hér með samkvæmt vatnalögum nr. 15 20. júní 1923 og orkulögum nr. 58 29. apríl 1967 til að öðlast gildi 15. október 1978, og birtist til eftirbreytni öllum, sem hlut eiga að máli.

Jafnframt er úr gildi felld gjaldskrá sama efnis nr. 367 27. október 1977.

*Iðnaðarráðuneytið, 4. október 1978.*

**F. h. r.**

**Árni P. Arnason.**

*Gunnar Guttormsson.*

## REGLUGERÐ

um breytingu á reglugerð nr. 320/1972 um fasteignaskatt.

### 1. gr.

4. gr. orðist svo:

Heimilt er sveitarstjórn að hækka eða lækka um allt að 25% hundraðshluta þá, sem tilgreindir eru í 2. og 3. gr., og má hækkun eða lækkun ná til annarrar hvorrar eða beggja greina.

### 2. gr.

2. mgr. 7. gr. orðist svo:

Til grundvallar skiptingu matsverðs samkvæmt grein þessari skal leggja eignarhlutföll í eignarskiptasamningi eða rúmmál þess húsnæðis, sem tengt er hvorum flokki afnota. Taka skal þó tillit til þess, þegar tiltekin afnot eru verðmætari en afnot eignarinnar að öðru leyti, svo sem vegna betri aðstöðu til hagnýtingar legu lóðar við verslun og öðrum viðskiptum.

Reglugerð þessi er sett samkvæmt lögum nr. 8 22. mars 1972 um tekjustofna sveitarfélaga sbr. lög nr. 72/1977 til þess að öðlast þegar gildi.

*Félagsmálaráðuneytið, 13. október 1978.*

**F. h. r.**

**Hallgrímur Dalberg.**

*Hólmfríður Snæbjörnsdóttir.*

## AUGLÝSING

um staðfestingu sjávarútvegsráðuneytisins á verðgrundvelli á frystri rækju fyrir framleiðslutímabilið 1. október til 31. desember 1978.

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs fiskiðnaðarins, hefur ráðuneytið staðfest eftirfarandi verðgrundvöll á frystri rækju fyrir framleiðslutímabilið 1. október til 31. desember 1978: